

## Upis za glasanje sada zahtijeva potvrdu o identitetu

Uvode se novi postupci kod upisivanja za glasanje na saveznim izborima.

Od 16. aprila 2007. godine, kad se upisujete za glasanje treba da podnesete dokaz o identitetu ako:

- se upisujete po prvi put
- se ponovo upisujete, da se vaše ime vrati na birački spisak
- se ponovo upisujete sa novom adresom, jer ste preselili, ili s novim imenom/prezimenom ako ste ga promijenili.

### KAKO ĆU SE NAKON 16. APRILA 2007. UPISATI ZA GLASANJE?

Od 16. aprila 2007., kod popunjavanja novog ljubičastog upisnog formulara ćete moći dokazati identitet na tri načina.

#### Možete

1. Navesti svoj broj australijske vozačke dozvole.

#### ili

Ako nemate vozačku dozvolu, možete:

2. Pokazati neki dokument kojim se dokazuje identitet – kao na primjer pasoš, rodni list, Medicare karticu ili Centrelinkovu iskaznicu za popust – i to ovlaštenoj osobi koja je na biračkom spisku, a koja će onda potpisati izjavu na vašem upisnom formularu.

Kompletnu listu ovlaštenih osoba i dokumenata koji su dokaz identiteta ćete naći na novom upisnom formularu i na veb sajtu Australske izborne komisije (Australian Electoral Commission – AEC).

#### ili

Ako nemate vozačku dozvolu ni odgovarajući dokument koji dokazuje identitet, možete:

3. Zamoliti dvije osobe koje su već na biračkom spisku, a koje vas znaju najmanje mjesec dana, da potvrde vaš identitet tako da potpišu vaš upisni formular.

## **POPUNITE NOVI LJUBIČASTI UPISNI FORMULAR, A NE ZASTARJELI ZELENI FORMULAR**

Od 16. aprila 2007., novi ljubičasti formular možete dobiti u svakoj australijskoj pošti i AEC kancelariji. Na njemu piše više informacija o novim zahtjevima za dokaz identiteta. Najnoviji formular ćete moći i prenijeti s AEC-ovog vebsajta.

Zeleni upisni formulari, ili formulari koje ste prenijeli s vebsajta prije 16. aprila 2007., AEC nakon tog datuma više neće prihvatati.

## **UPISNI FORMULAR MORATE POPUNITI SVAKI PUT KAD PRESELITE**

Ako ste preselili a niste javili svoje nove upisne podatke, AEC može da vas makne s biračkog spiska, ako potvrdi da su upisni podaci zastarjeli.

Ako trebate prijaviti svoje podatke za upis, to smjesta obavite, tako da popunite novi formular. Sami ste odgovorni da vaši podaci na biračkom spisku budu tačni. Nemojte reskirati i izgubiti mogućnost da glasate.

Provjerite svoj upisni status i potražite više informacija i formulare na [www.aec.gov.au](http://www.aec.gov.au), posjetite AEC-ovu kancelariju\* ili nazovite 13 23 26. Upisne formulare možete dobiti i na svakoj pošti (Australia Post).

\*Spisak adresa AEC-ovih kancelarija potražite u bijelom telefonskom imeniku.